

სახალხო ბაზარი

სურათებიანი წამებები

გაზეთის № 1063

დამატების № 187

კვირა, 8 დეკემბერი 1913 წ.

მღვდელი და დიაკონი

(ნაწყვეტი მივიწყებულ მოთხრობიდან)

(შემდეგი *)

III

ს. ფერდობანში მღვდლისთვის საეკლესიო სახლი არ იყო. ნაცნობ მეგობრები მღვდელს ალექსი ნოზაძეს არავინა ჰყავდა; დღეს, პირველად იყო ამ სოფელში და ამიტომ გადაწყვიტა, ჩამომხტარიყო დიაკონთან, დათა ხარაშვილთან.

დიაკონი დათა ხარაშვილი, ანუ როგორც სოფლელები ეძახდნენ „დათა დიაკონი“ ადგილობრივი მკვიდრი იყო დათა დიაკონს ჰქონდა ოციოდ ქვევა მიწა, ზოგი მის მიერ კეთილ შეძენილი, ზოგიც შთამომავლობით გადმოსული, ედგა სოფლის პირობაზე გვარიან კარგი ოთხი თვალი ოდა, ჰყავდა ხარფური, ცხენ-ჯორი, თვითონ იყო გამრჯელი, შრომის მოყვარე, თამაში და ენიანი, ასე რომ, სოფელში კკუის საკითხ და გამოცდილ კაცად ითვლებოდა.

დათა დიაკონი ქვრივი იყო. ორი ვაჟი სასულიერო სასწავლებლები ეზრდებოდა. სახლში ოჯახის მეთვალყურედ და დიასახლისად ჰყავდა დედა, თუმცა მოხუცი, მაგრამ ჯერ კიდევ ჯანსაღი და იშვიათი გამრჯელი ადამიანი.

ახალ მღვდელს დათა დიაკონი დიდის აღტაცებით მიეგება. ჯორიდან მოწიწებით ჩამოიყვანა, სახლში მიიწვია, ჯოხს უნაგირი მოხსნა და საბალახოდ გაუშვა, ვახშის თავდარიგი დაიჭირა, ერთი სიტყვით დაფაცურდა.

— დიდად მოხარული ვარ, მამაო, თქვენი მოსვლისა, დიდათაც გამადლობთ, რომ პირველად, აქ, ჩემთან ინებეთ ჩა-

მოხტომა — მხიარულად უთხრა დათა დიაკონმა, როცა ყოველი ფერი მოაწვსრცა და ვახშის მოლოდინში სტუმრის შესაქცევად ოთახში ჩაოჯდა.

— მეც დიდად სასიამოვნოდ მიჩება თქვენი გაცნობა, მხიარულადვე მიუგო მღვდელმა, — ღმერთმან კეთილჰყოს ჩვენი თანა მსახურების დაწყება, სიმშვიდით და სიმართლით, თანხმობით და ერთსულლოვნობით შეგვაძლებინოს უფალომ საზოგადო სამსახური, სადიდებლად ღვთისა და სასარგებლოდ მოყვასთა ჩვენთა.

— გმადლობ, მამაო, თქვენი მობძანების ერთობ მოხარული ვარ, განიმეორა „დიაკონმა“ — მიჩემის სულს გგფიცები, ეს ორი დღეა თვალი სულ შარაგზისკენ შექირა. ვიცი, რომ ჩამობძანდებოდით. გუშინ წინ სატირალში გახლდით, აქ ერთი აზნაური შვილი გარდაიცვალა, დეკანოზიც ბძანდებოდა და მიბრძანა: ხვალ ან ზეგ, მამა ალექსი უსათუოდ მობძანდებო, მართლაც ასე გამოვიდა.

— უკაცრაოდ კი ვარ, დათა, მაგრამ აქ ჯერ ნაცნობი არავინა მყავს, — მოიბოდიშა მღვდელმა.

— შენ მტერს ღმერთი გაუწყრა, აბა, რა ბრძანებაა, ითაკილა დიაკონმა, — ბატონო, ტრაპიზონში ხომ არა ვართ. აბა, ვისთან უნდა მისულიყავით, თუ არა ჩემთან. სხვა რა შემიძლია მე საწყაოს, აორემ წვიმისაგან კი დაგიფარავთ, მგონია; ეს ჩემი ქოხი, მამაო,



ქანდაკება რ. მასხვლებერგისა.

ისე იგულეთ თავი, როგორც საკუთარ სახლში. ანაფორა გაიხადეთ, მამაო, ნამგზავრევი ბრძანდებით, წამოწვიტით.

მღვდელმა ანაფორა გაიხადა, დათაიმ ბალიშ-მუთაქა მიართვა და მ. ალექსი ტახტზე ხება-ნება წამოწვა.

— კაი სოფელი ყოფილა ფერდობანი, ძლიერ მომეწონა. ბუნება ერთობ მდიდარია, ხალხიც მკიდროდა, ქუჩა-ქუჩა დასახლებული, რაც ჩვენ ქვეყანაში, ამ ოღიშში მაინც, იშვიათია, სიტქა მღვდელმა.

*) იხ. სურათებიანი დაბეგება № 186.

— კარგი სოფელია, ძლიერ კარგი სოფელია, სწორედ არა უშავს რა, ხმის თან და თან აწევით მიუგო დიაკვანმა,—თუ აქ ერთხელ მაგრა ფეხი მოიკიდეთ, მერწმუნეთ არ ინადვლებთ. უკეთესი მრევლი ახლო-მახლო არ მოიძებნება. ორასი კომლი, ბატონო, აი თუ გინდ, აღსარების მთქმელთა სია გასინჯეთ, წმიდა ბინადარი მცხოვრებია, ორი სამი თუ ურევია ახნაური, თორემ დანარჩენი ყველა მდღარამია. ეს კარგი. ახლა ხაზინიდან ჯამაგირი სამასი მანეთი; მიუმატეთ სხვა და სხვა შემოსავალი. რა თქმა უნდა... თუ გაისარჯეთ და მარჯვედ მოიქცით, მერწმუნეთ, რომ სასინანულოდ არ დაგრჩეთ ჩვენი სოფლის არჩევა.

— ღმერთმან ქმნას. ჩემი მხრივ ვეცდები, რაც შემძლიან შრომა და ჯაფა არ დაგზოგო, რომ საზოგადოებას პირნათლად ვემსახურო. ცხოვრებაში, მართალია, ჯერ გამოუცდელი ვარ, მაგრამ ღმერთი მოწყალეა, თან და თან მივეჩვევი..

— მიეჩვევით, მამაო, მი...ე... ჩვევით, გააგრძელო დათაია დიაკვანმა,—ნათქვამია, ბატონო, თევზს თავიდან დაიჭირნო. ყოვლისფერ საქმეში ასეა. ყოვლისფერი საქმე თაიდან უნდა დაიჭირო. ამასთან ხერხი უნდა ყოვლისფერს, ყოველ საქმეს ხერხი ესაჭიროება. თქვენ მამაო, მართალია, ნასწავლი კაცი ბძანდებით, მე კი... ჰა! საღდაც ნამარნევის მონასტერში ერთი ორი ალილუისთვის მომიკრავს ყური, მაგრამ გამოცდილებით, აქი თქვენც მეთანხმებით... ოც და ხუთი წელიწადი გავიდა რაც აქ „პრიჩეტნიკ“-ადა ვარ და რაღა გასაკვირველია, რომ აქაური ამბები „მამაო ჩვენო“-სავით ვიცოდე. თქვენი მაკურთხებლის წმიდა მარჯვენას გეფიცებები, რომ ჩემისთანა სიმართლეს აქ არავინ გეტყვის. არც გასაკვირველია! ჩვენ ორთავენი ერთ საქმეს ვემსახურებით... ჩვენი ინტერესები, ბატონო, ასეა, დიაკვანმა ორივე სალოკი თითი მოკაკვა და ერთმანეთს გადააბა... მე აქ, მამაო, თვით სატანა რომ ამოიყვანო ქვესკნელ-ჯოჯოხეთიდან ის ვერ გამაცურებს... ოცდა ხუთი წელიწადი



ა. ყაზბეგი (მოჩხუბარიძე) (მარჯვნივ) მისი გარდაცვალების 20 წლის თავის გამო და მისი მეგობარი ვაჟა-ფშაველა.

ოცდა ხუთი დღე არ არის... განსვენებულის თქვენი წინა მოადგილის მამა იოანეს მამის პატროსანი მღვდლის გაიოზის დროსაც მიმსახურებია. ამიტომაც მოგახსენებთ, რომ ამ თავითვე თუ საქმე მტკიცედ და მაგრა დაიჭირეთ, ამ თავითვე თუ ხერხიანად შეაყოლეთ საქმე, შემდეგ ცხოვრება წავა და წავა; არც ჩვენ ვიზარალებთ და ხალხშიც არეგ-დარევა არ შევა.

ახალგაზდა მღვდელს დიაკვნის ასეთი გრძელი წინასიტყვაობა, მაშინათვე ანგარიშებზე ლაპარაკის ჩამოგდება და რაღაც უკვე არსებული წესრიგის დაცვა, რაც ჯერჯერობით ქარაგმებით იყო წარმოთქმული, ცოტა არ იყოს, არ მოეწონა და შეეცადა ლაპარაკი სხვა საგანზე გადაეტანა.

— რა საკვირველია, რა საკვირველია, ყოვლისფერს მივეჩვევით,—ანგარიშ მიუცემლად მიუგო მღვდელმა,—მითხარ გეთაყვა, დათა, ეკლესია ამ შენი სახლიდან შორს არის თუ არა?

— არა, მამაო, აგერ არის, ნახევარი ვერსი არ იქნება.
— ძლიერ კარგი. სხვა თვით შენობა როგორია?
— ხის შენობის პირობაზე ერთ დროს გვარიანი იყო, მაგრამ ახლა დაძველებულია. ხის შენობა, რაც გინდა იყოს, საშვილიშვილოდ ვერ გამოდგება. საძირკველი გული მუხა ჰქონდა, მაგრამ დროთა განმავლობაში მაინც დაღბა და შიგნით გამოფუჭდურავდა. ისეთი ვირთავეები დარბიან შიგ, რომ გოჭები გეგონებთ, ხანდისხან, თითქო აქ არაფერიაო, უსირ-

ცხვილოდ შიგ საყდარშიაც დახტუნავენ მაგ წყეულები. ერთხელ, ერთი უშველებელი ვირთავეა, განსვენებულს მამაოანეს შიგ საკურთხველშიაც შეუვარდა... აბა გასაწყვეტი, აი, ამ სიგრძე კულს მიათრევდა, თითქო მოქსოვილი მათრახიაო.

— არა სასიამოვნო მოვლენაა.—ღინჯად შენიშნა მღვდელმა.

— ოღონდაც რომ სასიამოვნო არაა, მაგრამ რას გააწყობ. რამდენჯერ გამოუცხადეს, ბატონო, მრევლს. ორჯერ სამჯერ ჩვენმა „პრისტავმა“ ბესარიონ ქველიძემაც შეკრიბა მრევლი... კაი დაგემათუს კაი ბიჭი ის იყო. ახლახან სრული „პრისტავობა“ მიიღო. ერთი ბეწო ბიჭი მინახავს, დახეული ჩუსტებით დადიოდა... ახლა, ოქროს „აპილატები“-თ აქვს მხრები გაბრწყინებული. ბევრი უქადავა, ღვთის წინაშე, საზოგადოებას ახალი ეკლესიის აშენებაზე, მაგრამ ჯერჯერობით ვერა შეასმინა რა. ზოგი იძახდა; ისევ ეს შევაკეთოთო, ზოგი,—ახლის აშენება იჯარით გადავცეთო. ზოგი,—რა მესაყდარ-მეეკლესიება, სახლში წვიმა ჩამომდის, ისლით ვერ გადამიხურავსო. მოდი და ასეთ ორიანტელში გაართე თავი... მე, მამაო, ამას წინად იმიტომაც მოგახსენებთ, ხერხია ამ თავითვე საქირო მეთქი. სოფელი თავის-თავად კარგია ე.ი. ღარიბი არაა, მაგრამ რომ რიგიანად ისარგებლო, მაგრა უნდა გექიროს სადიო, თუ ერთი მოუშვი, შენი მტერი...

— ახალი ეკლესიის აშენება მართლაც და სახუმარო საქმე არაა,—შენიშნა მღვდელმა.—მარტო გამოცხადებით, თუნდ სრული „პრისტავ“-მაც გამოაცხადოს, არა გაკეთდება რა. ამისათვის ბევრი შრომაა საჭირო. თავი და თავი კი, ნიადაგი უნდა იყოს ამისთვის მომზადებული თვით ხალხში. თვით ხალხი უნდა გრძნობდეს ეკლესიის საჭიროებას, მაშინ ყოველნაირი დაბრკოლება ადვილი დასაძლევია...

— ე... ენ! ბატონო, ჩვენ ხალხთან,—სიტყვა ძოუჭრა დათაია დიაკვანმა.—ჩვენ ხალხთან კიდევ მუშით და ტყვით თუ

გაიჩან რასმე, თორემ სხვაფრივ ვერას გააწყობ. შენი მაკურთხებელი მარჯვენა არ გამიწყრეს იმის მეტი, ჩვენმა ხალხმა ნებაყოფლობით და თავისი გულკეთილობით ახალი საყდარი არ აგვიშენოს. მაგრამ ამას ჩვენ თავი დავანებოთ... სხვა უბრალო საქმეშიაც მათთან სიმაგრეა საჭირო. ერთხელ თუ მოუშატე, ერთხელ თუ მოურბილე, იცოდე მამაო, წახდა საქმე! აქი ამიტომ მინდოდა თქვენთვის მომეხსენებინა... განსვენებული ივანე მღვდელი, ღმერთმან სასუფეველი დაუშკვიდროს, და... იშვიათი კაცი იყო სწორედ. კაცი კი არაა, მამალი მგელი იყო სულ განათლებული. სოფლებების ხერხი იცოდა, ანი და ბანივით იცოდა, მაგრამ იმასაც კბილით ექირა მრევლი.

ახალგაზდა მღვდელმა დიაკვანს გაოცებით შემოხედა.

— აბა როგორ გგონიათ, მამაო, გააგრძელო დიაკვანმა.

— მაშ როგორ გინდათ იცხოვროთ ამ ქვეყანაზე! ქვა უნდა იყოს, ჩემო ბაბაია, სალი კლდე უნდა გახდეთ მიუდგომელი, ფოლადი უნდა გახდეთ გალესილი, რომ ცხოვრებაში თავი რიგიანად გაიტანოთ. თორემ მერწმუნეთ, თუ ერთხელ დაგბრიყვეს, თავზე წამოგაჯდებიან და თუ წამოგაჯდენ, გასაქანს არ მოგცემენ. ეს იმიტომ მოგახსენებთ, რომ განსვენებული თავის თავს დასაძლევად არავის არ აძლევდა. წინ და წინვე გამოზომილი ჰქონდა, ვისთან როგორ მოქცეულიყო! დაიწყო სამსახური თუ არა, მაშინათვე ერთ გარკვეულ გზას დაადგა და მთელი ოცდა ორი წელიწადი არ გადაუხვევია.



ბარბარე ყიფიანი.
(იხ. დღევანდელი „სახ. გაზ.“)

ცხვირით მიწას ახხვევინებდა, ვინც გინდა ყოფილიყო და თავის მართებულს უკანასკნელ მარჩილამდე გადაახდევინებდა. ღარიბი, საწყალი და მაგისთანები იმან არ იცოდა. ამ მხრივ, მართლაც და ყოჩალი იყო განსვენებული. სხვაფრივ არ შეიძლება, მამაო! ხალხი? თუ ხალხს ყური უგდე, ავა... ვაია, წასულია ჩვენი საქმე! ხალხი დიდი ქვეშ-ქვეშა რამ არის, სულ მუდამ სიღარიბეზე და გაკირვებაზე ბუზღუნებს, სულ მუდამ ტირის და შეიხედავ: ამან კაი ცხენი იყიდა, იმან კაი უნაგირი გააკეთებინა, აგერ ამან კაი ხმალ-ხანჯალი მოაქედინა, აგერ იმან კაი ოდა გამოჰქიმა. საერთოდ კი ყველა ტირის, ღარიბნი ვართ, ლატაკნი ვართო. განსვენებულმა იცოდა მაგათი ამბავი. წესრიგის ფულის გულისათვის არავის მოერიდებოდა.

— ამაში ვერ დაგეთანხმები, გააწყვეტინა მღვდელმა. — ღმერთმან ქმნას, რომ ყველას ცხენიც ჰყავდეს და ხარიც, სახლიც კარგი ედვას და ყანაც კარგი ჰქონდეს, მაგრამ საუბედუროდ ამ საერთო ბედნიერებას ჩვენ ქვეყანაში ჯერ ვერ ვხედავთ. მე დღეს ხუთი-ექვსი სოფელი გამოვიარე! გულის წუხილით უნდა აღვნიშნო, რომ სიღარიბე, სიმშლილი და ნაკლებლევანება უფრო მეჩხირებოდა თვალში, ვიდრე სილაღე და სიუხვე. შეიძლება ეს თქვენი სოფელი გამოჩაკოს შეადგენდეს, მე ჯერ აქაურობა არ დამითვალთქვია, ბნელოდა, რომ შემოვდი, მაგრამ არა ვგონებ, უმეტესობა აქაც შეძლებული და უზრუნველყოფილი იყოს. რამდენად გამიგია, აქეთკენ, მიწის საშინელი სიძვირეა თურმე. ჩვენი ხალხის ცხოვრების ერთად ერთი წყარო ჯერჯერობით ხომ მიწის დამუშავებაა და საცა მიწა ძვირია, იქ, უმეტესობა, სიღარიბეც იქნება. განსვენებულზე მე არაფერს ვიტყვი, ღმერთმან სასუფეველი დაუშკვიდროს. ხოლო ჩემი აზრით მოძღვარ მოწაფის დამოკიდებულება მამაშვილური უნდა იყოს, რამე სასყიდლის მიცემა ნებაყოფლობითი და ყოველ შემთხვევაში მრევლის ნივთიერ შეძლებასთან უნდა იყოს შეთანხმებული, თორემ რას ამბობ, დათა, მართალია ჩვენც ცხოვრების სახსარი გვინდა, მაგრამ შეძლებელი და ღარიბი თუ არ გავარჩიეთ, რა გამოვა...

— ოი მამაო, დამერწმუნე მაგის გარჩევა ჩვენთვის არავის მოუწევია. უბედურება სწორედ ამნაირად საქმის დაყენებაშია. თუ ასე მოვიქცით, სიმშლილით ამოვიხოცებით. თუ ნებაყოფლობაზე მივაგდეთ საქმე, „გროშ“ ვახვრეტოდა არავინ მოგვცემს და დავრჩებით ხელ-ცარიელი. ეს საქმე მე, ბატონო, ძლიერ კარგად ვიცი და ამიტომ მინდოდა თქვენი გაფრთხილება; თქვენ, რა თქმა უნდა, დიდი განათლებული. მაგრამ მე როგორც გამოცდილი, ოცდა ხუთი წელიწადი, აი ამ გასულ თიბათვეში შესრულდა, რაც ამ წმიდა გიორგის ეკლესიასთან „პრიეტნიკადა“ ვარ ღ ვიცი ჩვენი ხალხის ხასი-


ათი, თუ ხელი არ მოუჭირე, ისე ვერაფერს დასძრავ. სიღარიბე — სიღარიბეა, მაგრამ კრებულსაც ხომ ცხოვრება უნდა! სიღარიბეა, კარი, კერზი, მოყვარე, ცოლი, შვილი, ამას ყოველისფერს ხომ პასუხის გაცემა უნდა.

— ალბად, შენ ვერ გაიგე ჩემი ნათქვამი, ან მე ვერ გამოვთქვი გასაგებად, ცოტა არ იყოს, ხმას აუწია და წამოწითლდა მღვდელი. — კაცო, ცოლ-შვილი, სახლ-კარი და ამისთანები, რომ საჭიროა და დასაკმაყოფილებელი თავის-თავად ცხადია, ამაზე ვინ რას ამბობს; ჩვენ რომ ცხოვრება გვინდა, ამას მე უარს არა ვყოფ. მე ვამბობ მხოლოდ, რომ მრევლსა და კრებულს შორის თავდაპირველად უნდა სუფევდეს ნდობა და სიყვარული. არა მხოლოდ ლიტონი სიტყვით, არამედ მხურვალე გულით, ქეშმარიტად საგრძნობელად. მაშინ ყოველად წარმოუდგენელია, რომ ორ-ასმა კაცმა, ღარიბებიც რომ იყვნენ, ერთი და ორი კაცი, მათთვის საჭირო და სასარგებლო, სიმშლილით ამოხოცოს. მე ვერაფრის გზით ვერ დავიჯერებ, რომ თუ კეთილი, მამა-შვილური გრძნობა და მეგობრობა სუფევს მოძღვარსა და მრევლს შორის, იქ საჭირო იყოს წესრიგის ფულის გადახდევინების დროს ძალა, ჩხუბი, ტუკი და მაგისთანები. ყოველგვარი ფულის გადახდა ნებაყოფლობით და თანხმობით უნდა ხდებოდეს. წინააღმდეგ შემთხვევაში მოძღვარ-მოწაფეობას ადგილი არ ექნება. ეს იქნება რაღაც ძალადობა, „ექზეკუცია“, უსამართლობა. კანონითაც რომ გავსინჯოთ საქმე, მღვდელს უფლება არა აქვს წეს-რიგის ფულის თაობაზე მრევლთან იჩარჩოს და ძალა იხმაროს; სხვა არა იყოს რა, მთავრობის ყურამდე თუ მივიდა, კრებულს დიდი საყვედური მოუვა და შეიძლება საყვედურსაც არ დააჯერონ. ეკლესიური კანონ-მდებლობა სასტიკად უკრძალავს მღვდელს ჩარჩობა-ვაჭრობას; მტკიცედ წარმოსთქვა ახალგაზდა მღვდელმა და ზეზე წამოდგა.

IV

დათაია დაიკვანიც ფიცხლავ ზეზე წამოიქრა, გულზე ხელი მიიღო და აუჩქარებლად შეაყოლა:

— არ გამიწყრეს თქვენი მარჯვენა, მამაო, არავითარი „უკალონობა“ თავის დღეში ჩვენ არ ჩაგვედინოს. განსვენებულნი? ღმერთო მომკალი! „კალონს“ ერთ დრამასაც არ გადააცილებდა. მართალია „სემილარია“ „ღემლაზიანი“ სწავლა არ მიეღო, მაგრამ თავისი საქმეში? ციდან ჩამოსული ანგელოზი ვერ აჯობებდა. მე შენ გეტყვი და სხვაზე ნაკლებ მიღებული, ან სხვაზე ნაკლებ პატივ-ცემული იყო! სახელ განთქმული და დაჯილდოებული არ იყო თუ? კამილავკა უკვე ჰქონდა, ოქროს ჯვარზე წარდგენილიყო და, რაღა გგონიათ, სიკვდილს



კომპოზიტორი ა. ჭილაშვილი.
(იხ. დღევანდელი „სახ. გაზ.“)

რომ არ ესწრო, არ მოუვიდოდა თუ? ინგურისა ღ ცხენი წყლის შუა ვისთვის გინდა გეკითხა მღვდელი ივანე ჭარბავა, ყველა სიამით გეტყოდა, სწორედ კაი კაციოა. „უკალონს“ — ო იყო კი არა, ბატონო, მართებლობა ხელის გულზე ყავდა. „პრისთავი“ გინდა, „მირონ ჰოსტონიკი“ გინდა, „ვენაჩალიკი“ გინდა, სულ მასთან მოდიოდნენ, ჯამდენ და სვამდენ, თავზე ევლებოდნენ. სხვა რა გინდა, ბატონო, თვით „ქყაინდარს“ (ქყონდიდელი) თვალ „ნაკაკაზე“ არ დაუარდებოდა, ისე, უყვარდა. ღმერთი გამიწყრეს, ხვალინდელი დღე არ გამითენდეს, თუ თვალით ნახული და ჩემი ყურით გავგანილი არ გითხრა.

ქართული
გაზეთი

შარშან წინ, ბატონო, „ქუინდარი“ სარგვიზიოდ დაბ-
დანდებოდა. ამ ჩვენი კუთხისაკენ პირი ქნა თუ არა, პირდა-
პირ მ. ივანეს სახლისკენ გამოეშურა. ესტუმრა. ბარჯლამ ოცი-
ოდ წარჩინებული პირი ახლდა თან ქუინდარი. თან დიდი კა-
ცის შვილი, ბეგრი ვინმე ახლდეს, რა გამოიკვირდება. რომ
თქვას კაცმა, ჩვენთვის რევიზია არც კი გაუკეთებია. თეოფი-
ლე ბერი და თავისი არქიდიაკონი გაგზავნა საეკლესიო დო-
კუმენტების დასათვალისწინებლად. ისინიც შუა გზიდან უკან
გამობრუნდნენ. „ამ სიტყვით სად ვეთრიო, ბიჭო, ამ სისხო კა-
ცი“-ო, სთქვა თეოფილე ბერმა. „ხომ ყოვლისფერი რიგ-
ზეა“-ო.—ღიახ, ბატონო მეთქი. ეს იყო და ეს.

დაფაცურდა ცხონებული მ. ივანე, ძალიან პურმარდიო-
ნი კაცი იყო. ისეთი დეკეული დაჰკლა, რომ სწორედ ორი
თითის სისქე ქონი ზედ ედო. მოხსნა ათ კოკიანი საგანგებოდ
დაყენებული ღვინო. გაჩაღდა სადილი, მაგრამ რა სადილი!
ჩიტის რძეო, რომ იტყვიან, ის არ აკლდა. სუფრაზე ორმოც
კაჯზე მეტი იჯდა. თამადად, რა თქმა უნდა, ჩვენი თავადი
ოთარი აირჩიეს. უკეთესი სათამადაო კაცი მთელ ღვინაში არ
მოიძებნება; მხიარული, მომღერალი, მოლაპარაკე... ან რამ-
დენ ღვინოსა სვამს მაგ ოჯახქორი, რვა ბოთლ ღვინოს ისე
დალევს, თითქო ერთი ქიქა გადაუკრავსო და საქმე ისაა, არ
დათვრება, ისე ცოტა შექიფიანდება და ისევ თავის კალა-
პოტში ჩადგება.

გამხიარულდნენ, შეექცნენ, მოიღვინეს, გადაჰკრეს. მე
სულ იქვე ვტრიალებდი, ვემსახურებოდი.

„მერცხალო მშვენი...ეროო...უ? რომ შეაკრიალა ხმა
ჰაერში ოთარმა, „იადონო პატიოსანო“, რომ მოსძახა გელა
ფონიშვილმა „მტრედისფერი და ო...ო...ქო...ოგანოო...“,
რომ დააგუგუნა ბანი არჩილ ხათრიგურმა, ოცი წლის მიცვა-
ლებული, რომ გან და გან გაშოთილი გდებულებო იქ, სწო-
რედ, თვალს გამოაჰყეტდა.

თვით მათი მეუფებაც გამხიარულდა. კაცნი ვართ, მამაო,
ყველანი! მ. ივანეს სადღეგრძელოს მირთმევა ყოვლად სამ-
ღვდელომ ვერცხლით მოქედით ყანწით ინება. მ. ივანეს პა-
ტივ-საცემად ყველანი ზეზე წამოიჭრენ. „საყვარელო და ძვირ-
ფასო შვილოო, მიმართა ქუინდარმა“ მ. ივანეს.—სულით და
გულით მოხარული ვარ, რომ ამდენ პატივცემულ პირებთან
ერთად, შენ ჰერ ქვეშ, შემთხვევა შეძლევს შენი სადღეგრძე-
ლო დავლიოო“. მე შენ გიცნობ, როგორც პატიოსანს, გულ-
კეთილს, საქმის აღმასრულებელს და მტკიცე კაცსაო“. ასე
უთხრა, ჩემი ორი ბალანა ნუ დამეხოცება.—შენ სამსახურს,
შრომს და ღვაწლს, ჯერ ღმერთი არ დაივიწყებს და მეც არ
დავივიწყებ, სახეში მეყოლებოო“. მერე ამბობდნენ, ალბად
ყოვლად სამღვდელოს მ. ივანეს გაბლადოჩინება უნდა. რავე
გგონია, მამაო, სიკვდილს, რომ არ ესწრო, არ მისცემდა თუ?
აღტაცებით დაუმატა დათაია დიაკვანმა.

— ბიჭო, ბიჭო, რა ამბები გქონიათ, წამოიძახა, დიაკვნის
ნათქვამით დაინტერესებულმა მღვდელმა.

— აბა რა გგონია, მამაო! „უკალონო“, უსამართლო იყო
კი არა... სხვა დროსაც, თუ გინდა, მადლობის და ტკბილი
სიტყვის მეტი მის ყურს არ სმენია არც მღვდელ-მთავრისაგან,
არც დეკანოზისაგან.

— თავის საქმეში კი, ძლიერ მტკიცე იყო, ცხონებული,
თითქო თავის თავს ელაპარაკებო, გააგრძელა დიაკვანმა ცო-
ტა სიჩუმის შემდეგ.—ესთქვათ, მოვიდნენ ჯვრის-საწერად. ორ
თუმანს ეტყოდა სხვაფრივ ჩვენ ხალხთან არ შეიძლება, ბატო-
ნო! დაიწყებოდა ერთი მოციქულობა, ღრიქინი, აი აქეთ, აი
იქით, მაგრამ უმაღლესი მოკვდებოდა საწყალი და თუმანზე ქვე-
ვით მაინც არ ჩამოვიდოდა.

მღვდელს სახეზე რაღაც მწუხარება აღებუქდა, ჩუმიდ ამო-
იხრა, კაბის ჯიბეებში ხელები ჩაიწყა და თავ-დაღუნვით
ოთახში გაიარ-გამოიარა.

— განა შარტო ცხონებული იქცეოდა ასე? ცოტა არ
იყოს, გაუბედვად წარმოსთქვა დიაკვანმა.—შორს წასვლა რა
საქიროა. ავიდოთ, თუ გინდა მ. ბლადოჩინი. კაცი დეკანოზია,
აქედან აქამდის, ხელი მოისვა დიაკვანმა გულ-მკერდზე,—კა-
ცი ბროწეულივით წითელ ჯვრებით და მენდლებითაა დახ-
ლართული. აბა გაბედოს ვინმემ მასთან ხელ-ცარიელი მის-
ვლა? ჯვრის წერა და მაგისთანებს თავი დაანებე, ისე ტყუი-
ლად. როგორ არა? არც ცოცხალს და არც მკვდარს უფუ-
ლოდ საყდრის ეზოშიაც ცხვირს არ შეაყოფინებს.

— „რა რთულია, რა დახლართულია, რა გაუბედური და
მიუწლომელია საერთოდ ცხოვრება, ფიქრობდა მღვდელი და
თავ-დაღუნული ოთახში დადიოდა, „რამდენი ცოდნა, გამოც-
დილება, ხასიათის სიმტკიცე, გულ-კეთილობა და სხვა და სხვა
ამისთანებია საქირო, რომ კაცმა ასეთ პირობებში ნაყოფი-
რად იშრომოს, თანამოსამსახურებთან თანხმობა შეინარჩუნოს,
ხალხიც დაიმეგობრო და მათ საკეთილ-ღვინოდ რამე, კულტუ-
ტურული მუშაობა დაიწყოს. სად არის ცოდნა! რა მასწავლეს
კამეტი წლის განმავლობაში სასარგებლო და ცხოვრებაში გა-
მოსაყენებელი? არაფერი. ცოდნას თავი დაანებე, კარგია, რომ
სულით ავადმყოფთა სახლში თავი არ ამოვყავი თავი. ღმერთო,
სად დაიღუპა, რამდენი ძვირფასი დრო?! სად არის გამოცდილება-
ორი თვე არ არის რაც თავისუფლად ამოვისუნთქე. ვინ არის
შემწე, თანაგრძნობი, დამხმარე? არავინ.—ხელის შემშლოელი,
არ თანაგრძნობი? ათასი“. ახალგაზდა მღვდელს გონებაში წარ-
მოუდგა მთელი გროვა სხვა და სხვა ფერის და სახის ტანისა-
მოსში გამოწყობილ პირთა, რომელთა სათავეში ქვეყნიურ შა-
რავანდებით მოსილი „ქუინდარი“ იდგა და ბოლოში „და-
თაია დიაკონი“. თავი მალა აიღო და დიაკვანს დაეკითხა:

— ეს კარგი, დათა. მითხარ გეთაყვა, ხალხი, ჩვენი ძირე-
ლი, დაღის კი ეკლესიაში?

— ხალხი, ეკლესიაში? განიმეორე დათაია დიაკვანმა.—
შობას, აღდგომას და აქა-იქ დიდ ღღესასწაულებში კი და
სხვა დროს ქუდიც რომ შეუგდო შიგ, გამოსატანად არ მო-
გეკარება. ხომ მოგეხსენებათ, ბატონო, ბრიყვი ხალხია.

— წირვა-ლოცვას კი უკლებლივ ასრულებდით?

— კი, მამაო, ვასრულებდით. თუმცა განსვენებული, უბ-
რალო კვირიაკებს გამოტოვებდა ხოლმე, მაგრამ, რა ექმნა,
ავადმყოფი კაცი იყო... და ესეც არა?.. ხალხი არ დადიოდა
ეკლესიაში და ქაჯებისთვის ხომ არ უნდა ეწირა. ეე...ხ, მა-
მაო, ისეთი ჯიუტი ხალხია, რომ... თქვენა ბძანეთ, რომ გულ-
კეთილობა, მამა-შვილობა! გულკეთილობა კი არა, რაც და-
ვიდარაბა და თავის ტეხა უნდა მათში დრამის ფულის მოგრო-
ვებას ვერ წარმოიდგენთ. განსვენებულმა ხერხი და საშუალე-
ბა აქაც გამოსძებნა, სოფლის „წერალ“ მიხასთან გააკეთა საქ-
მე. ერთ ხუთ მანეთიან „ოხარკალაიას“ იმასაც მიუგდებდა,
მაგრამ დრამის ფულს კი უკლებდა დროზე ჯიბეში ჩაიდებდა.
მიხა „წერალი“ ბატონო, კაცი კი არა თილისმბა. ჩვენ მამა-
სახლისს და „სუდიერებს“ საით უნდა, იქით მოატრიალებს.
მამასახლისს ჯამაია „ბეგა ყაზახს“ ბეგრსაც არ მოერიდება; „აი
აქ დასვი ბეკედიო, ეტყვის და მორჩა და გათავდა. მიხამ თუ
მოინდომა, უკანასკნელ „სქიბუს“ (ხელსაფქვავი) გაუყიდის
გლებს და დრამის ფულს ერთ თვეში მოაგროვებს.

— ეს კი მეტის-მეტია, კაცო,—ვირ მოითმინა მღვდელმა
და ცოტა არ იყოს გულ-მწყურალად წარმოსთქვა,—ესლა მაკ-
ლია, ვილაც „წერალს“ ქრთამი ვაძლიო და დრამის ფულის
მოკრეფის დროს მრევლი ავაწიოკებო.

— ქრთამს არ გავაღებთ და მშვიგრები დავრჩებით. ეს
მამაო, თქვენ ახალგაზდა კაცი ხართ. ქვეყნის ამბები წიგნები-
დან იცით და თვით ცხოვრებაში ჯერ ჩახედული არა ბძან-
დებით. იცოცხლეთ და თვითონვე გამოცდით. ახლანდელს
დროში, შე დალოცვილო, ქრთამს ვინ არ იღებს, ან ქრთა-
მით საქმეს ვინ არ აკეთებს... აბა როგორ გინდა, როცა სხვა-
ფრივ ცხოვრება შეუძლებელია. ვინ გინდა, ბატონო, ქრთა-
მით საქმეს არ აკეთებდეს, „სუდი“ გინდა თუ „ნაჩალიკი“,
ბლადოჩინი თუ დეკანოზი. ჩვენ შორის დარჩეს, რასაკვირვე-
ლია, და მოგახსენებინ: კაი ძღვენსა და მოსაკითხსა მათი მეუ-
ფებაც არ იწყუნებო...
— სხვის საქმეში მე არ მინდა გავერიო, გააწყვეტინა
მღვდელმა.—ან ეს როგორ იქცევა, ან ის, მე სრულებით არ
შეკითხება. ჩვენი ხელმძღვანელი უნდა იყოს ჩვენი სჯული და
სინიღისი.

(დასასრული იქნება).

უიარაღო.

